

rung gekauft hat, gestattet den Verkäufern das Wiederkaufsrecht um die gleiche Summe, vereinbart sich über den Nutzen des Wiederkaufsjahres und die Entschädigung für das Auslösen ehemals verpfändeter Güter.

Ich Grauf Wilhelm von Montfort herr ze Tettngang¹ Bekenn ver-
gich vnd tûn kund offenbar mit disem gegenwürtigen brief Allen den
die In ansehent hörent oder lesend Als Ich von dem Edeln wolgeborn
minem herren / vnd Swêher Grauf Albrechten von Werdenberg dem
eltern² herren ze pludentz Vnd von minem Swäger Grauf Hannsen
von Werdenberg sim Sun³ aigenlich erkoufft hab ains bestâten ewigen
kouffs die zwo vestinen Bûrg / Vnd Burgstall baide die
Alten⁴ vnd die Nûwen Schellenberg⁵ gelegen an dem
Eschinerberg mit lût vnd mit gût, vnd gantzlich mit
allen Rechten vnd zûgehörden für ledig vnd los Vmb zwai Tusent
pfund vnd vierhundert / phund gûter haller Vnd vmb zwai Tusent
gûter Rinscher guldin alles Costentzer wêrung, Als das min kouffbrief
den Ich von Inen darumb versigelt Innhab, Alles wol aigenlicher wy-
set vnd Sagt, das Jch dafür mich min erben / Vnd nachkomen Inen
vnd Im erben die frûntschafft hinwiderumb getân vnd den gewalt
geben hab mit disem brief, das Sy die selben zwo Vestinen
Schellenbergen mit lût vnd gût vnd gantzlich mit allen
Rechten vnd zûgehörden / Als Ich das alles nach mins egenamnten
kouffbriefs sag von In erkoufft hab Von vns wîderkouffen Vnd och
denselben vnsern kouffbrief an sich lösen mûgend Wenn Sy nû hinnen-
hin wellen oder mûgen Vber kurtz ald lang zît, Ouch / mit der obge-
namnten Summ gelts zwain Tusent phunden Vnd vier hundert phun-
den hallern Vnd zwain Tusent gûter Rinscher guldin Alles der ege-
namnten wêrung, doch mit dem geding Beschicht der widerkouff Also /
Vor Sant Johannis tag Baptisten weles Jars das ist, So sôllen Inen dann
Alle Nûtzz des selben Jârs damit vollgen vnd werden vngeuârlîch,
Geschicht er aber darnach So sôllen vns die selben nûtzz des selben
Jârs gantzlichen / mit der obgenamnten Summ gelcz vollgen Vnd wer-
den âne all widerred vnd geuârd / Vnd och also wenn vnd Weles jârs
das ist, Das Sy wîderkouffen wellen Das Sy vns denn das vor dem
selben Sant Johannstag vff den nehsten / Sant hylarien tag Oder In-
wendig den nechsten Acht tagen dauor ald darnâch Vngeuarlich ver-